

تبریزین مرکزی کتابخاناسیندا 5 مین داش چاپ کیتابی وار

شرقی آذربایجانین عمومی کیتابخانالار مودیری تبریزین مرکزی کیتابخاناسیندا 3 مین نوسخه ال یازی و 5 مین نوسخه داش چاپ کیتابین اولماسیندان خبروئردی.

فارسین تبریزدن وئردیگی گوزارشه گؤره، حسن رضایی دئدی: کیتابخانالار جامیعه‌لرین فرهنگ و مدنیتلرین نین نومادلاری ساییلیر و تبریز کیتابخاناسی‌دا قدیمی اولدوغو اوچون و مینلر نوسخه‌ذیرلی و ارزیشلی کیتابی اؤزوندە ساخلادیگی اوچون اوستانین و اۆلکه‌نین فرهنگی ویتیرینی ساییلیر. او بو کیتابخانانین اۆلکه‌ده‌کی یئرینه ایشاره ائدیب دئدی: تبریزین مرکزی کیتابخاناسی کیتابخانالارین ایچینده لاپ غنی و لاپ بؤیوک کیتابخانادیر. او آرتیردی: بو کیتابخانا 3 میندن آرتیق خطی نوسخه و 5 میندن آرتیق داش چاپ کیتاب و 250 مین نوسخه کیتابینان منبع و آیری فاکتورلار اساسیندا اۆلکه‌نین لاپ مومتاز عمومی کیتابخاناسی ساییلیر.